

知縣事遵義趙 懿纂輯

職官

漢置縣令五代有百丈主簿一員餘無攷明設知縣一員主簿一員典史一員教授一員訓導一員

國朝裁教授主簿設知縣一員典史一員訓導一員康熙四十三年復設教諭一員嘉慶十三年裁撥雅安

秦漢晉唐各員均關攷錄守尉列侯節度經略刺史各數人蓋政化之所漸被者也

秦郡守

李冰

秦孝文王時蜀郡太守鑿平瀾崖卽南安之離峯今名山洪雅之交也

名山縣志卷十二

職官

漢都尉

唐蒙

武帝天漢四年置西部都尉一治旄牛一治青衣蒙爲都尉治南夷道

曹述

曹全碑全敦煌效穀人曾祖父述孝廉謂者金城長史夏陽令蜀郡西部都尉

後漢都尉邑長

高靖

陳留圉人蜀郡都尉

董扶

字茂安綿竹人公車三徵再舉有道爲侍中求爲屬國還蜀

章表

嚴道長

李磬

字文寺嚴道人爲章表主簿旄牛夷叛攻城磬傾身捍表虜殺之表得免

令田

青衣道夷邑長

蜀漢列侯太守

向寵

三國志向朗傳襄陽宜城人兄子寵先主時爲牙門將裒歸之敗寵營特完建興元年封

都亭侯後為中部督典宿衛兵諸葛亮當北行表後主曰將軍向寵性行淑均曉暢軍事試用於昔先帝稱之曰能是以眾論舉寵為督愚以為營中之事悉以咨之必能使行陣和睦睦優劣得所也遷中領軍延熙三年征漢嘉蠻夷遇害

向舉 青衣侯華陽國志劉先主志

黃元 先主時漢嘉太守建興初舉郡拒守燒臨邛城將軍陳芻鄭綽由青衣水伐之滅元

晉太守

司馬勝之 字興先綿竹人通毛詩治三禮為散騎侍郎辭歸即家拜漢嘉太守未之官

王載 廣漢人初為漢嘉太守後領南夷龍驤參軍與李釗降李雄

杜龔 蜀郡人漢嘉太守

柳伸 字雅厚成都人諸葛亮辟為從事晉為漢嘉巴郡太守

馮遷 漢嘉人義熙三年漢嘉太守政蹟載後人物

名山縣志卷十三

職官

唐都督節度經略刺史 舊唐書云羈縻州並生獠生羌但有州名無屬縣亦無實

土則縣地皆刺史所治

韓峻 河陽人雅州都督

韋皋 字城武萬年人西川節度使於黎州築要衝等城與東蠻共擊吐蕃前後斬首萬餘級善撫士卒蜀人德之見其像必拜

李德裕 字文饒趙郡人西川節度使番夷入寇民不聊生置雄邊子弟築仗義城以禦大渡清溪

關之衝築禦侮城以控榮經為犄角之勢作柔遠城以拒西山吐蕃復叩崆關徙雋州治臺磴以奪

蠻險遠民乃安

吳行魯 咸通二年龍興寺碑以刺史吳行魯充本州經略使

路惟明 貞元中雅州經略使

令狐德棻 善原人貞觀十八年雅州刺史

劉行實

明貽人雅州刺史天授中與弟行瑜俱為酷吏來子珣所誣陷

劉志經

南華人晏兄子雅州刺史

渾鉅

皋蘭州人瑊子雅州刺史

劉焯

尉氏人雅州刺史

崔公輔

清河人雅州刺史

杜岡

乾符三年由黎州遷雅州刺史

李岑

蔡王後開州刺史峰兄雅州刺史

張承簡

雅州刺史大順元年州將謝從本殺之叛附王建

五代縣令主簿

蔣詔恭

前蜀時為名山令有傳載後宦績

王著

後蜀時雅州刺史王賁子為百丈主簿有傳

宋令尉

段少連

開封人仁宗時知名山縣有政績見一統志

湯勝

仁宗寶元二年以秘書正知名山縣

張剛中

康定中以通直郎知縣事有傳

虞允文

紹興初為名山茶監有傳

史繩祖

宋朝散郎主管業州雲臺觀知縣事見蒙山寺碑

龐坤載

宋末為名山尉有傳

明知縣

楊矩

洪武中任

石貞

鞠恭

以上二人正統中任

文崇道

渭南人成化中任

戴紳

江西監生

李永福

鳳翔人

孫 綸 洱海衛舉人以上

張炬泉 監生

鄭 瑞

左 點 涇陽監生以上
三人正德中任

陸萬里

劉 勳 岷州衛
監生

李 奈 九溪
衛人

扶日亮 字東山鄆
縣監生

張嘉儀 河陰
監生

李承祖 通衛
監生

潘大武 普定衛
舉人

易 鼇 會同人
有傳

胡東朝 普定衛
舉人

范元愷 花衛舉
人有傳

陸 穩 趙州
監生

周 德 常德人以上十
二人嘉靖中任

施 電 安陸舉人萬曆
四年任有傳

劉宗韜 萬安
監生

喻濟時

楊攸鄭 南州
歲貢

李嘉謨 太和
舉人

沈文薦 漢陽
貢生

名山縣志卷十二

職官

四

喬邦俊 聞喜
選貢

馬 遙 解州
選貢

趙 衷 新城
歲貢

李之人 貴州
舉人

石致玉 萬曆四十二年任以上
十人皆萬曆中任

傅良臣

劉爾完

馬負漢

蔡 鼎 宿遷舉人以上
四人天啟中任

梁勝任 雲南
舉人

劉哿人 湖廣
舉人

邱 分

尹 浩 以上四人
崇禎中任

龔 泰 昆明人永
曆中任

夏道曙 永曆十
二年任

明主簿

楊 閻 金亨
人

何 景 常德人以上二
人宏治中任

彭思信 應山人正
德中任

程能善

梁世安 岐縣人

詹繡

韓近 華陰人

王家 陝西人

張中欽 山西人

華漢 龍里衛人

盧瞻魯 陝西人

王旌民 南康人

楊孟宮 巴陵人

林民表 黃岡人

郭清之 新鄉人 以上十人 嘉靖中任

周鳴泮 新水人

阮瞻岳

李元衡

沈應昌

袁汝照

戴大約 靖江人

柴自新 雲南人

徐應熊

葉延芳

鄭國泰 以上十人 萬曆中任

周勰

名山縣志卷十三

職官

五

王朝貴

嚴思孝 南城人 以上三人 天啟中任

譚植 崇禎中任

明典史

李敬宗 陝西人

陳通 宣化人 以上二人 宣德中任

廖彥初 成化中任

鄧通 武陵人 宏治中任

劉浩 湖廣人

宋昇 莆田人 以上二人 正德中任

楊定 湖廣人

吳富

劉瓚

庾璐 京山人

張月 麻城人

丁繁 武陵人

郭鶴 靖江人 以上七人 嘉靖中任

夏大禮 麻城人

吳永甯 富平人

顧遂

程聯芳

孫 珣

袁良知 以上六人
隆慶中任

楊天恩

馮 琦

余世靜

李應元

謝繼先

楊東高

彭昌嗣

余 典

漢州人
以上八人
萬曆中任

劉騰貞

蒲圻人

屠襄元

平湖人

芮 某

以上三人
崇禎中任

明訓導

華 清

見紫霞
洞碑記

張子春

洪雅人見
洪雅縣志

林 某

字草亭見陳應正
石城山唱和詩

國朝知縣

名山縣志卷十三

職官

六

余嗣榮

順治十
八年任

王麟允

清范舉人順
治十八年任

李應宗

遼東蔭生康熙
四年任有傳

朱景辰

福建將樂拔貢康
熙七年任有傳

羅奇勳

宜都舉人康熙十
一年任立課試士

侯永壽

直隸監生康
熙十九年任

張國雋

直隸舉人康熙
二十一年任

范時鳴

三韓例監生康熙二
十四年任有傳

韓 戈

揚州舉人康
熙三十年任

劉彥曉

穎川舉人康熙
三十六年任

趙承燾

錢塘監生康熙四
十二年任有傳

李宏澤

大興貢生康熙五
十一年任有傳

徐元禧

歸安進士康熙
六十年任有傳

張天澤

山西龍泉舉人雍正
五年任升甯遠通判

張義衍

江西舉人雍正七年
任事多整飭以疾歸

高 第

字聖徒雲南太和進
士雍正十二年任

陳九疇

山東福
山舉人

楊萬甯

廣東揭陽舉人
乾隆十六年任

吳耀龍

江西筠陽人乾
隆十七年任

沈作霖

乾隆十
八年任

梁喬瓌

廣東三水進士
乾隆十九年任

王會銑

字而先廣東人乾
隆十九年任有傳

劉以正

貴州開泰舉人乾隆三十二年任有傳

安洪德

聊城人

申士秀

山東歷城進士乾隆三十八年任

吳希灝

直隸臨榆舉人乾隆四十二年任

李文雅

直隸易州舉人乾隆四十九年任

張朝普

江蘇丹徒進士乾隆五十年任

七寶

鑲黃旗舉人乾隆五十三年任有傳

裘允緒

乾隆六年任

王渡

陝西三原舉人嘉慶元年任有傳

孫真儒

嘉慶三年任

李光謙

直隸任邱舉人嘉慶八年任

蔣榮

字東巖長州舉人嘉慶十四年任

劉元熙

嘉慶十五年任

張溇

黃州人嘉慶二十三年任有傳

趙慶春

嘉慶二十四年任

穆精阿

長白人道光五年任

陳榛

字秦木道光中任

劉澄

字鏡湖進士道光中任

白榮宰

陝西人道光十四年任

王寶華

錢塘人庶吉士道光十二年任有傳

徐徽

雲南舉人道光中任

包文炳

貴州人道光中任

莫瑞堂

廣東人由教授陞道光十一年任有傳

張式

字式夫咸豐二年任

汪觀光

進士咸豐三年任

汪百祿

字桂山桐廬進士道光六年任有傳

陳中銘

字新盤湖北優貢咸豐六年任

杜芳

字若洲咸豐七年任十年殉難有傳

胡壽昌

字伯康山陰人咸豐十年任有傳

周鳳翔

字梧坪山西趙城舉人同治元年任

段東暹

字子昇江西宜春舉人有傳

慶煜

字樸山滿州人同治四年任有傳

李承保

字赤城江蘇人同治五年任

寇用平

字擴元雲南人同治七年任

英順

字和齋旗籍進士同治八年任

劉仰祖

江西舉人同治九年任

楊錫榮

字晉山廣東大埔舉人同治十年任

李洪鈞

字和衡同治中任

宋大奎

字果山貴州畢節監生光緒元年任

韓養正

字午山陝西拔貢生光緒二年任

李吉壽

字次星廣西永福舉人光緒三年任

糜獻珍

字寶珊山西人光緒四年任

李蓮生

字少蘭錢塘監生光緒五年任

周綸翊

字星黼浙江富陽人選拔光緒六年任

王捷三

字月初朝邑進士光緒七年任

繆延祺

字雲蓀大興監生光緒八年任有傳

孫光治

字子翼湖北附生光緒九年任

董寶裔

字篠滄直隸滄州舉人光緒十年任有傳

張紹熙

字稚華貴州監生光緒十五年任有傳

趙懿

字淵叔貴州遵義舉人光緒十六年任

國朝典史

鄧儲秀

順治中任

趙志

蒲州人

竇丕

陝西人

王悅諫

河南人

苗自秀

河南人

韓孔憲

憲平人

謝承茂

錢塘人

王培

楊州人以上皆康熙中任

關宏道

大興人

劉乘

傅時綬

延安人以上皆雍正中任

張裕全

乾隆中任

錢新

嘉慶中任

葛壽琨

福建侯官人同治中任

名山縣志卷三

職官

八

譚道純

順天宛平人光緒八年任

張鈺

字治臣甯夏人光緒三年至今現任

國朝教諭

溫樂

號知非順治中任

趙宗祚

字小舟成都拔貢康熙四十二年任

任述昉

湛迴

鄧都拔貢

袁祕生

永川拔貢以上皆康熙中任

鄒之燕

黃徽奇

綿竹拔貢

李豐

成都拔貢

洪元遵

江油拔貢以上皆雍正中任

賈瓚

字多治渠縣舉人乾隆三年任

王播

乾隆四十九年任

李方谷

乾隆五十二年任

侯懋烈

洪雅人見洪雅縣志

馮廷賡

嘉慶二年任

任其旋

嘉慶四年任

國朝訓導

劉永錫

劉璜

高文明

陸祐

合江歲貢

白補袞

蓬溪歲貢

胡瑁

梁山歲貢

張維翰

重慶歲貢

張螽斯

閬中歲貢

蘇開濬

簡州歲貢以上皆康熙中任

袁翮

洪雅歲貢

甘如穀

重慶歲貢

董繼紹

字虞臣昭化歲貢以上雍正中任

郭思齊

乾隆四十九年任

林希孟

乾隆五十二年任

王右襄

嘉慶二年任

王淑申

嘉慶十六年任

余文蔚

道光間任

詹成樂

筠連歲貢

周定南

銅梁舉人

趙邴

宜賓歲貢

黃樸

字芄山簡州舉人咸豐十年任有傳

巫顯章

華陽附生同治四年任

名山縣志卷三

職官

九

劉柏章

華陽附例捐

袁乘

威遠廩例捐

劉華黻

字藻庭富順拔貢同治間任有傳

趙丙成

字莊衢鹽亭歲貢光緒二年在

易贊元

資州舉人光緒五年任

溫舜臣

新都歲貢光緒八年任

何邦彥

字俊卿南充舉人光緒九年任有傳

屈爲龍

字九皋富順舉人光緒十七年任

宦績

五代蔣詔恭

十國春秋前蜀本傳蘇州人性耿直

有逸才承平間流落入西川每有吟咏輒涉譏刺高

祖末年臣僚多尙權勢侈傲無節詔恭因作詩諷之

高祖見詩大喜曰敢言之士也特授名山縣令又喜

蒞事賜銀緋鑑誠錄蔣貽恭住名山日陳情上府主

高太保知柔詩日名山主簿實堪愁難咬他家大骨

頭米納江南錢納府祇看江面水東流按貽恭卽詔
恭也詩自稱名山主簿與傳之授名山令者小異唐
詩紀事亦作貽恭

王著 十國春秋後蜀本傳王賁事後主官雅州刺
史稱爲廉吏子著廣政時進士及第授隆平主簿有
政績通志雅州刺史王賁子著爲百丈縣主簿皆有
政績

宋段少連 一統志開封人仁宗時知名山縣有政
績

張剛中 府志康定中以通直郎知縣事興學勸農
賜緋魚袋入祀名宦祠

虞允文 舊通志字彬父仁壽人紹興初爲名山令
清溪橋茶廳前梅柳成行皆其手植遺墨尙存入祀
名宦祠宋史本傳以父任入官丁母憂哀毀骨立念
父之鰥且疾七年不調跬步不忍離左右父死紹興
二十三年始登進士第通判彭州權知黎州渠州高
宗時累遷禮部郎官除中書舍人直學士院三衙管
軍充川陝宣諭使孝宗隆興元年以敷文閣待制知
太平州尋除兵部尙書湖北京西制置使乾道元年
拜參知政事兼樞密事三年除知樞密院事兼參知
政事拜資政殿大學士四川宣撫使使蜀五年拜右
僕射同中書門下平章事兼樞密使八年授特進左

丞相兼樞密使授少保武安軍節度使四川宣撫使
進封雍國公清熙元年薨後四年贈太傅諡忠肅按
史稱紹興二十三年始登進士不言令名山攷輿地
紹勝云嘗爲名山茶監則志所云紹興初爲名山令
者當在父任入官時實爲茶監而志誤作爲令耳
龐坤載 李心傳朝野雜記武興之變名山縣尉龐
坤載避僞去官

明范元愷 通志花衛舉人嘉靖中任革各行分派
祭祀除民阜餘夫罷民快歇役令煙戶自封投櫃減
收樣米嘗曰修政有二難曰上疑其私下病其厲有
三要曰不擾民傷財當爲則爲可已則已人以爲名

言又考二百年來縣官姓名之猶有存者爲題名記
勒於石祀名宦祠

易鼇 通志會同人嘉靖中任勸農節財多惠政卒
於官民祀之祀名宦祠

施電 通志雲南甯州舉人萬曆四年任教士愛民
祀名宦祠

國朝李應宗 通志字繩之遼東人廕生康熙四年任
招撫流遺開墾荒蕪又濬城隍修縣署民樂趨事尋
丁外艱去邑人思之祀名宦祠

朱景辰 通志字建北福建將樂人拔貢生康熙七
年任自湖廣當陽令調名山縣秉性方正人皆敬畏

祀名宦祠

范時鳴

[府志]三韓例監康熙二十四年任按范時

鳴任名山卓有政聲嘗讀棲霞勝果等寺碑記知其能文迥殊俗吏

趙承燾

[通志]字子容號黠庵錢塘人監生康熙四

十二年任清正愛民有惠風和日之頌祀名宦祠

李洪澤

[府志]字匯東大興人貢生康熙五十一年

任為政恩威並用勸民植桑大為民利立有碑記祀名宦祠

徐元禧

字非之歸安人進士康熙六十年由中書

改知名山縣雍正元年重修縣城製四門名曰青雲

名山縣志卷三

世績

三

留青上清月華各建譙樓其上居官課士勤民教養兼至學問通博尤好吟咏公暇輒遊覽山水寄興詩篇為名山志三十六卷自謂精核復纂雅州志惜均無傳

[知縣徐元禧雅州志舊序]江浙之志自遠姚迄今

掌紋可數間有掛漏亦不過什百之一二從未有

文殘獻缺如雅志之無一可徵者也蓋獻忠之禍

烈於祖龍即有遺文故事誰為攬拾有付之飄風

劫火已耳余初至川南即訪舊志惟蘆山有上下

二卷而名榮無隻字不覺嘆惋累日及詢州志則

扶風一編記少而志寡亦不饜觀者因問前此無

所爲志者乎日有之蒙山志中嘗引楊慎雅州志而李嗣安亦作雅安志序近日梅生元吉亦謂家藏舊志而佚之以爲世間當有存者及亂後徧訪無有乃手撰雅安近紀然則僅及十八年中亂離之事而於戶口物產興廢形勝風俗學校仕進學術山水古蹟之屬亦不過略引其端而未嘗件繫以事則亦未可爲全書也於是我州憲楊公深有憂焉謂志以續往亦以開來今辛丑以前既有兵燹不得其詳而辛丑以後復聽其自有自無於天地之間是將使雅志之終於無成也乃檄學正劉先生專意撰綜條彙已立而劉先生虛懷謙讓不

自是且屬余更爲改益無已則重以楊公之命夫余嘗爲名山志矣其無文無獻者猶之雅也然余撥公事之暇而成書至三十六卷其中字字皆有來處佐證而不使一毫杜撰夫乃歎事文之雖亡而實不亡也特亡於無心者之忽置耳然於州志而又不可以此例者蓋州之所轄旣非一地而余又以官守所拘而不得越境採訪以佐其筆墨故雖紬繹蒼粹不遺餘力而榮經尙多漏略而未慊於懷則亦留以俟後賢之補綴而已矣然而史之闕文孔子善之蓋多而贗不如其少而覈往聞江浙之爲志者多好博而不精故牽率附會疑信參

半今此志卷帙不多然言無謾詭事非空誣後之君子必有取焉則正可以少許勝人之多許也夫何歎夫何歎

劉以正 通志貴州開泰舉人乾隆間知名山開修名山蒲江兩縣之龍爪堰居民賴之按晏氏家譜啟建業於名山龍爪之城則龍爪當在今晏家壩

王會銑 字而先廣東樂會人乾隆間署名山有惠政民歌之曰我父我母實心實政

張洎撰重立王公德政碑記丁丑秋於署後之荒園中得殘碑一命洗之字跡剝落不可認識蓋十之八九矣碑之額最明而可見者有我父我母實

心實政八字余歎曰此其謂德政碑乎其中間則僅存署雅州府名山縣字而姓獨闕如其後則乾隆十有九年立也其前則有公名會銑字而先粵之樂會人也由庠生循例十餘字尙可辨識以下則消磨盡焉余思古今不易民而治直道自在人心使非有實政及民猶愧父母當日之民何以勒之金石欲其名垂不朽乎到於今纔數十餘年耳不意沈埋於荒煙蔓草中也因以年月攷之通志署任者悉不載復攷名山舊志有王君名會銑其人者籍隸廣東權篆名邑雖字跡不詳而名籍相合其爲王君無疑矣但不知王君當時果得邀超

擢乎抑以微員終乎第弗深攷余竊悲其傳而不傳也昔人好留後之名沈碑于淵立石於山至今赫赫然猶若前日以王君之循聲惠政愛戴一時曾歲月之幾何而父老不傳史氏不傳豈古今不相及歟倘所謂有幸有不幸是耶非耶余幸名山才疎政拙遠愧王君深惜王君之傳而不傳因參考以記之數十年後又安知余之爲何如人也若此石之存與不存更可無論矣嘉慶二十三年二月

七寶 字□□鑲黃旗舉人乾隆五十三年知縣事卓有政聲名山當衛藏往來大道驛傳綦繁往時供

給無度取民無章邑人深以爲病寶爲隨糧酌定程數興設公櫃細立條目勒鑄鐵碑而眾心悅服

王渡 陝西三原舉人嘉慶元年任多惠政大旱禱雨邑人歌之云天不雨民愁苦家家盡祈禱來擊我田鼓稅駕在西疇商羊看起舞流甘忽如膏降沃復如乳枯蘇焦亦嫵萬物生出土曠野走農夫市井歌商賈愁者自此喜苦者自此愈伊誰爲之力民曰社稷主主復歸之天蒼冥德施普

張涪 字□□湖北黃州人嘉慶二十三年知縣事愼躬勤政好以天理良心教民四字不離於口讀修王君碑記知其人亦疾沒世不稱有君子之風焉

王寶華 字古園錢塘人由翰林院庶吉士改官知縣道光十二年蒞任識形家言移建學宮於月心山上以增助文明邑中科名自是日盛居官風流儒雅善政治民至今父老猶時時道其軼事喜作詩隻字片紙人爭寶之

[名山留別詩]自哂蹉跎作宦遲場登傀儡坐如癡十分苦口言多直一片婆心性帶慈解組無忘寒士况脫靴猶繫老民思官從去日人情見共醉公堂酒一卮

莫瑞堂 字書龍廣東嶺南人以教諭獻文廟典史奏陞知縣道光十一年來宰斯邑爲人敦博篤雅以誠化民民服愛之筆墨所遺都無塵氣其蒙山聯云茶已稱仙三百葉中香最盛師亦成佛二千年後我纔來又進退百官坐於廟朝是有命焉不可幸而致也徘徊此山以寄勝概則觀游者豈爲政之具歟吉光片羽猶想見襟懷之灑落也

汪百祿 字桂山桐廬人道光六年以進士令名山邃學博聞居官盡心文教修建仰山書院以課士流有抱經書屋文集

杜芳 字若洲祥符舉人咸豐七年蒞任未及三載值李短鞵藍大順由滇寇蜀姦民何馬蟻子亦脅合流亡乘間蠶擾應起名蒲之交己未之冬窟踞青神

蒲城復破縣與隣徧圍防未及整備賊長驅入境芳自出禦戰由青江堰敗走鄧坪張槐子者邑之巨盜也狡詭驍暴數犯法當死比捕無獲是時土匪充斥而槐子遂爲之首潛伏於魚網灘遮道劫逼芳罵賊不屈赴灘水死邑人哀之

胡壽昌前邑令杜君事略杜君名芳字若洲中州祥符孝廉以軍功選授斯邑蒞任未及三載而滇匪寇蜀蒙邑適當其衝遂有覆巢之變君之政績雖無可考要其罵賊不屈赴死於難亦有不可湮沒者余因紀其略於篇首初賊之入蒲城蒙實唇齒相依當事者漫不爲備賊竟由蒲寇蒙如入無

人之境當是時非有強兵外援以捍邊圉也又非有堅城勁敵以固藩籬也而責以不能保守疆土徒死於土匪之手是豈公論也哉或者曰君不能城存與存而但汨沒乎清江之水又不能殉於賊至之後而竟委身以飽江魚之腹雖至愚亦不及此余曰滇匪賊也土匪亦賊也同死於難時之先後又何殊焉以視世之委其土存其身置疆土於不顧者又何如也

胡壽昌 字伯康一字雪琴順天大興人庠生咸豐十年權知縣事當是時滇寇躡蜀縣境糜爛土匪紛集城郭凋殘前令杜芳新死於賊省中易令至三無

敢往者壽昌持檄卽行下車則延訪人士招撫流亡
訓練團甲別募鄉勇于人爲營曰清安清定器械行
伍紀律之事無不嚴整堵禦有方明年賊大至鄉兵
敗績縣城不守賊圍壽昌蒙山巔數日乃得出復簡
練士卒擊賊出境於是賊前後凡三至皆戰退之時
制府駱文忠公秉章以壽昌爲能辦賊再留縣任南
道以次肅清壽昌復芟鋤土猾請免征輸教民種植
與諸生講論學行除革舊弊尋引疾去士民攀送數
十里請留畫像於棲霞廣福寺中

邛州伍肇齡胡公事略光緒十七年六月望日胡
君薇元以其尊人雪琴先生前任名山縣知縣事

實丐余次其崖略將寄趙令君悔予編入邑志以
備他日史館採擇謹按公姓胡名壽昌字伯康一
字雪琴其先浙江山陰人以其諸父行春江懷江
兩太史著籍順天大興縣遂爲大興人年十三入
邑庠道光丙午科鄉試遺額校錄 國史館授四
川嘉定府經歷以捕盜功擢知縣咸豐五年從征
黔匪楊瀧喜賊平予同知銜九年楚蜀寇警公請
辦成都府屬保甲十年檄署名山縣知縣名山數
遭滇寇蹂躪前令杜公芳死於賊三易令無敢往
時總督曾公望顏以趙沅青侍御數稱公賢乃檄
公往辦賊公旣至見其戶口凋殘人民流徙以訓

導黃君樸志趣高潔且知兵法向其詢邑中才德
士兼能講求守禦者得廩生馬廷良千總萬世倫
舉人樊包高仁傑等招撫流亡訓練保甲請募鄉
勇千人爲清安清定二營名山邑小民貧公竭歷
捐廉置器械嚴定紀律精習技藝寇三至輒三敗
之士民皆裹糧相從視公如家人父子防兵過境
索供億不具持刀入公廨公衣冠危坐曉以利害
兵畏公嚴正懾退公用兵嚴整夜分按隊行遇賊
偵李奇風形狀魁岸公疑之嚴訊得賊黨三十九
人立殲之賊退則與諸生講求性理延鄭海樓孝
廉主講仰山書院行劉念臺先生證人會約士風

日起十一年正月公請辭退崇文勤公爲總督諭
留公勿許賊攻青神縣公往援遇伏邑士楊廷槐
死之公奮勇連克蒲江青神丹稜賊賊首何崑山
恨公甚懸賞購公與樊包頭邑廩生胡國禎與賊
通謀刺公雅安縣勇目關智靈給賊符信使入寇
賊圍公蒙山頂樊包與公相失痛哭投水不死乃
收合餘眾拾野菜瓜藤爲食越五日始得公審度
形勢以峯頂危地勸公急走賊圍數重夜靜自五
頂峯銜枚急行洞口白雲冉冉與公幟亂賊不備
突圍出公乃激勵民勇併力勦賊追逐殲除殆盡
發何賊祖墓賊目藍大順入寇公率邑士楊潔汪

騰蛟等發地雷敗之時駱文忠相國督師入蜀以太守楊公重雅薦激賞公命再留任公請斬勇目陳祥興關智靈賊首謝花妖入寇公擒斬無遺駱公有動合機宜有膽有識之譽張榭子者邑之大盜也狡詭驍勇豪霸一方比捕無獲前縣令杜芳死盜手公易衣率勇丁李三元何天機等十二人往捕直入賊室盜伏牀下砍落李三元左右手指刃削楊培元額顱半夜擒盜歸立斬以徇餘黨星散丹蒙接壤之總岡嶺萬年寺有熊十大耶嘯聚亡命邑之大猾也公偕勇往投與之酣飲盜不疑除夕擒其父子歸二子帶鎖飛騰山巖倏忽無踪

公手刃盜首請免征以蘇民困辛酉補行壬戌縣試公示諭父老子弟文理不優者不准投納試卷日坐堂皇收卷面定甲乙得曾宗泗劉元勳等績學之士時黃恕皆侍郎督學按臨稱公得人駱公以名山肅清敘州賊未平檄公離任帶勇往殺賊士民赴省請留者數千人乃薦樊包馬廷良萬世倫高仁傑以代駱公擢樊包自成一隊至敘連捷三戰敗沒公聞包死不食者累日公方建修武廟釐定章程裁革廠規抬驗差役藉盜誣良糧差包攬抬墊之弊而公病甚駱公不得已準公回省就醫士民扶老攜幼感泣失聲日行十餘里於是邑

紳簡成彬等請留畫像於棲霞廣福各寺並書政績於石公堅不許然終不能禁也駱公以公才識兼優長於吏治曉暢軍事潔已愛民入奏吏部以公前被賊入境議落職適粵匪石達開入寇乃檄公總理湘果振武各軍糧務隨方伯劉公蓉迎頭截戰勦賊過小相嶺經冷邊長官司冷承恩據險兜截逼入紫打地小道窮蹙成擒時逸賊何崑山投充提督胡公中和標下已保投都司何賊時蓄異謀思刃公於雅州府未果復刺公於省垣皆不得後在敘州府恃勢擾民屏山令張君秉莖擒之請斬以絕後患公攝蓬州牧有政聲駱公再請部

再駁駱公薨崇文勤公繼請乃復官臬使翁公同爵派公密赴嘉眉各屬清理庶獄崇公升大司寇吳惠勤公督川委公採辦內府織造同治十年攝南部令前故令劉君恩長虧鉅萬公力任代償未幾去任公傾竭家資以完至喪殮不給光緒二年丙子攝慶符令以請革劣紳與護督忤復彈劾去官公長子廷慶順天貢生從公戰歿葬名山之石岡次子薇元以丙子入大興庠是秋舉於鄉丁丑聯捷成進士授廣西天河令今官四川知縣三子廷恩癸酉順天鄉試薦卷餘子五人孫七人公今年垂七十讀書著述至老不倦著有翠螺山房

詩文集十卷韻學圖說一卷愚溪雜志十二卷蒙
寇志略一卷雪琴制義詩餘各二卷漢隸辨證四
卷金匱述要五卷蒙寇志略卽名山縣滇寇志略
皆公任名山時事也丁未進士翰林院編修伍肇
齡撰

段東暹 字子昇江西宜春舉人同治二年蒞任時
寇亂初平繼遭旱魃居民凋敝東暹舉辦平糶苦心
實力民賴以甯活者甚眾惠政人時道之

慶煜 字璞山□□□旗人同治六年署名山臨政
勤慎退復思省所居室自顏曰退思堂縣經庚辛兵
燹以後試院殘毀煜修復之縣中按畝捐輸原至三

千之多煜復以地瘠民貧瘡夷未復請改減爲一千
五百永著定令實惠足以及民

繆延祺 字雲蓀順天大興監生光緒八年署治獄
尙寬常恐民情不達居恆布蔬儉約自謂借以養廉
於賓興三費次第振興復增修紫霞書院時有良吏
之目臨去官猶有赴之鳴冤者出語人曰吾非有冤
欲瞻望好官耳邑人建去思亭於城東驛路

董寶齋 字筱滄直隸滄洲舉人光緒十年知縣事
臨民以慈惠爲心然勤於政事聽斷不苟一事一物
具能精察十四年卒官

張紹熙 字穉華貴州貴筑人前雲南巡撫日昃孫

四川補用道軸新子兩世皆以名宦著聞紹熙能世其家光緒十五年署名山慈祥愷悌清潔無瑕至於爲政之大端繕城隍編保甲賑水災勤校士此皆民所恆言之者也

黃樸 字芄山簡州舉人大挑咸豐間授邑訓導學行端粹課士首重明倫然有勇力能千人敵逸氣灑然出塵好爲詩歌性嗜酒醉後輒高吟名句常滿人口庚申之亂去官歸日沈醉後竟卒於酒有龍山詩集

胡壽昌學博黃君事略黃君名樸字芄山陽安名孝廉癸丑大挑選授斯職學粹品端志趣高潔飄

飄有凌雲之氣課士則首重明倫論學則潛心性道出經入史議論崇宏好爲雜體詩尤工古文詞賦著作如林膾炙人口君素驍勇力能敵千人性嗜酒醉後高吟每多名句庚申之亂君隱於清溪不復作出山計余兼攝儒學篆見宮牆完固禮器無缺請於上乃復其官遂訂爲忘年交或汲引人才或暢談風月余之克盡厥職無忝父母斯民之任者得君之力居多其後調辦闡差事竣回家親朋招飲日沈醉遂卒於酒有龍山詩集行世

劉華黼 字藻庭富順拔貢生光緒□□年署訓導經明行修尤深於易諸生如劉澤沅輩常從受學

名山留別詩廣文衣鉢舊明經傳舍人如水上萍
萬里風雲同伏櫪中年憂樂漸忘形功名肯信無
黃甲談笑何妨有白丁折柳橋南春在邇依依相
對數峯青

何邦彥 字俊卿南充舉人光緒十四年任訓導品行端潔處人接物有春風和悅之象士林親服